

যে - দুর্গা, গণেশ, ব্যাস, বিশ্বক্সেন, শ্রীগুরুদেব এবং অগ্নি দেবতাসকলকে ভগবানের বাম-দক্ষিণাদি যে যে স্থানে যাঁহার স্থিতি উল্লেখ আছে, তাঁহাদিগকে সেই সেই স্থানে রাখিয়া পাত্ৰাদির দ্বারা অর্চন করিবে এবং অর্চনের সময় ভাবিতে হইবে যে - ঐ দেবতাগণ ভগবানের দিকে মুখ করিয়া বসিয়া আছেন ॥ ২৮৫ ॥

পদ্মপুরাণের উত্তরখণ্ডে উল্লেখ আছে যে - অতএব বেদে অপ্ৰসিদ্ধ দেবতা-গণের অর্চন পরিত্যাগ করিবে । অর্থাৎ যে সকল দেবতা অবৈদিক, শুদ্ধভক্তগণ কখনও তাঁদের পূজা করিবেন না । বেদপ্ৰসিদ্ধ দেবগণেরও স্বতন্ত্র অর্থাৎ পৃথকভাবে অর্চন পরিত্যাগ করিবেন । অর্থাৎ যেমন দুর্গাপূজায় দুর্গা প্রধান আরাধ্য ; অগ্নিদেবতা - এমন কি শ্রীবিষ্ণুও আবরণরূপে পূজিত হইয়া থাকেন, অথবা গণেশপূজায় গণেশ প্রধানরূপে পূজ্য এবং বিষ্ণু প্রভৃতি দেবতাগণ আবরণরূপে পূজিত হয়েন, এইরূপভাবে স্বতন্ত্ররূপে দেবতান্তরের পূজা বিশুদ্ধ ভক্তির অত্যন্ত বিঘাতক । তবে শ্রীবিষ্ণু যে পূজায় প্রধান, সেখানে অগ্নিদেবতাকে পূজা করায় বিশুদ্ধ ভক্তিতে কোন বাধা ঘটে না । প্রত্যুত পূজা না করিলেই শ্রীবিষ্ণু অপ্ৰসন্ন হইয়া থাকেন । সেই সকল পীঠ-দেবতার পূজার ক্রম উল্লেখ করিতেছেন -

অর্চয়িত্বা জগদ্বন্দ্যং দেবং নারায়ণং হরিং ।

তদাবরণসংস্থানং দেবস্ত পরিতোহর্চয়েৎ ॥

হরেভুক্তাবশেষেণ বলিং তেভ্যো বিনিষ্কিপেৎ ।

হোমধ্বৈব প্রকুর্বাতি তচ্ছেয়েনৈব বৈষ্ণবঃ ॥

জগদারাধ্য ভগবান্ নারায়ণ শ্রীহরিকে পূজা করিয়া তাঁহার আবরণে সংস্থিত দেবগণকে তাঁহার চতুর্দিকে ক্রমে পূজা করিবে । শ্রীহরির ভুক্তাবশেষ অর্থাৎ শ্রীভগবৎ প্রসাদ তাঁহাদিগকে অর্পণ করিবে এবং ঐ ভগবৎ প্রসাদ দ্বারা বৈষ্ণবহোমও করিবে ॥ ২৮৫ ॥

ভূতাদিপূজা তু তৎপূজাঙ্গত্বে বিহিতাপি ন কৰ্ত্তব্য্যা ; তদাবরণদেবতাস্থাভাবাৎ । নিষিদ্ধঞ্চ তত্রৈব - যজ্ঞাণাঞ্চ পিশাচানাং মদ্যমাংসভূজাং তথা । দিবৌকসানাং ভজনং সুরাপানসমং স্মৃতম্ ॥ ইতি । অতএবাবশ্যকপূজ্যানামগ্ৰেষ্ঠাং তৎস্বীকৃতিতরপি মদ্যাদিভিঃ পূজা নিষিদ্ধা । যথা সৰ্গর্ষণাদীনাম্ । অথ পীঠপূজায়াং যেহপ্যধর্মীচ্ছা বর্তন্তে গুণবৃত্তয়শ্চ, তানি তু পাদ্যোত্তরখণ্ডে স্পৃষ্টাণ্যপি ন সন্তি । তথা স্বায়ত্ত্ববাগমেহপি । তস্মান্নাদরণীয়ানি । কেচিত্তু নারদপঞ্চরাত্রাদৃষ্ট্যা তাত্ত্বগ্ৰন্থৈব ব্যাচক্ষতে । যথোক্তং তত্রৈব - অধর্মীচ্ছা চতুষ্কন্ত অশ্রেয়সি নিযোজনমিতি । অধাশ্মিকাদিষু তত্তদন্তর্য্যামিশক্তিরধর্মীচ্ছামিত্যর্থঃ । তথা পীঠপূজায়াং ভগবদ্বামে শ্রীগুরুপাদুকাপূজনমেবং সম্বচ্ছতে । যথা, য এব ভগবানত্র